



**DETERMINAZIONI DE SU RESPONSÀBBILI DE SU SERVÍZIU SOTZIALI  
N. 80 de su 30/08/2024**

**Uffitziu: SERVÍZIUS SOTZIALIS**

**OGETU:** Servíziu pustis de iscola (períodu Gennaxu - Maju 2024). Impínniu de ispesa in favori de su Comunu de Tuili po is ispesas chi at susténniu a títulu de antizipatzioni in favori de is istudiantis residentis in Gésturi.

**Bistus:**

- Su D. Lgs. 267/00 cun su “Testu Únicu de is Entis Localis”;
- S’Istatutu Comunalì aprovau cun deliberatzioni de su Cuntzillu Comunalì n° 17 de su 31/5/2006;

**Premítu chi:**

- cun deliberatzioni de Cuntzillu Comunalì n. 38 in data 29/11/2023, esecutiva a is sensus de lei, ant aprovau su Documentu Únicu de Programmatzioni (DUP) chi pertocat su períodu 2024/2026;
- cun deliberatzioni de Cuntzillu Comunalì n. 42 in data 27/12/2023, esecutiva a is sensus de lei, ant aprovau sa Noda de Aggiornamentu a su Documentu Únicu de Programmatzioni (DUP) chi pertocat su períodu 2024/2026;
- cun deliberatzioni de Cuntzillu Comunalì n. 47 in data 27/12/2023, esecutiva a is sensus de lei, ant aprovau su bilànciu de previsionì finantziàriu 2024/2026 cumpilau in términis de cumpeténtzia e de càscia segundu s’ischema inditau in su d.Lgs. n. 118/2011;
- cun deliberatzioni de Giunta Comunalì n. 54 de su 29/05/2024, esecutiva a is sensus de lei, ant aprovau su Pranu de is Obietivus e de sa Eficéntzia 2024;
- cun deliberatzioni de Giunta Comunalì n. 43 de su 10/04/2024, esecutiva a is sensus de lei, ant aprovau su Pranu Integrau de Atividadi e Organizatzioni (P.I.A.O.);
- cun deliberatzioni de Giunta Comunalì n. 63 de su 19/06/2024 ant cunferiu a su Sig. Emilio Serra s’incàrrigu de responsàbbili de su setori amministrativu-sotzialì;

**Arremonau** s’art. 53 comma 23 de sa lei n. 388/2000 e mm.ii.aa., chi donat facultadi a is Comunas cun populatzioni prus bàscia de cinqu milla abbitantis de istabbiliri, fintzas cun sa punna de oberai un’impiticamentu de s’ispesa, de donai a is chi faint parti de s’órganu esecutivu sa responsabbilidadi de is uffizius e de is servízius e su puderì de adotai atus de natura ténnicu-gestionali, in deroga a is dispositzionis a pitzus de sa pratzidura intra is funtzionis de indiritzu e de controllu políticu amministrativu, piessignu de is órganus de guvernu, e is funtzionis de gestioni amministrativa, finantziària e ténnica, de cumpeténtzia de is órganus burocràticus;

**Donau atu** chi a is sensus de s'art. 6-bis de sa Lei 7 austu 1990, n. 241 e mm.ii.aa. no est istétia cumprobada sa preséntzia de situatzionis de cunflitu de interessus;

**Arremonadas:**

- sa Delibberatzioni de G.C. n. 53 de su 21/09/2021 "Protocollu de acórdiu intra is Comunas de Gésturi, Tuili e Setzu po s'unioni de is classis de s'iscola de s'infàntzia, de s'iscola primària e de s'iscola segundària de primmu gradu po s'isceberu de su comunu cabu-fila po sa gestioni de is servítzius de trasportu iscolàsticu e de mensa iscolàstica";
- sa Delibberatzioni de sa Giunta Comunali n. 92 de su 4/10/2023 "Protocollu de acórdiu intra is Comunas de Gésturi, Tuili e Setzu po s'unioni de is classis de s'iscola de s'infàntzia, de s'iscola primària e de s'iscola segundària de primmu gradu po isceberai su comunu cabu-fila po sa gestioni de is servítzius de trasportu iscolàsticu e de mensa iscolàstica. Integrazzioni";
- sa Determinatzioni de su Responsàbbili de su Servítziu de is Afàrius Generalis de su Comunu de Tuili n. 263 de su 26/10/2023 "DETERMINATZIONI A CUNTRAI PO MORI DE AFIDU DERETU PO GESTIONI DE SU SERVÍTZIU PUSTIS DE ISCOLA PO IS ISTUDIANTIS DE S'ISCOLA PRIMÀRIA DE TUILI PERÍODU DONNIASANTU 2023 – MARTZU 2024 CUN RISERVA DE PRÓROGA FINAS A S'ACABBU DE S'ANNU ISCOLÀSTICU. CIG 023282308. IMPÍNNIU SUMMAS";
- sa determinatzioni de su Responsàbbili de su Servítziu de is Afàrius Generalis de su Comunu de Tuili n. 79 de su 13/03/2024 "GESTIONI DE SU SERVÍTZIU PUSTIS DE ISCOLA PO IS ISTUDIANTIS DE S'ISCOLA PRIMÀRIA DE TUILI CÓDIXI CIG 023282308. IMPÍNNIU SUMMAS PERÍODU ARBILI MAJU 2024 AVERIGUAMENTU SUMMAS IN INTRADA"

**Achiria** sa nota de su Comunu de Tuili Prot. n. 1764 de su 14.03.2024 a su Prot. n. 1821 de su 15.03.2024 nostu, aundi est istétia comunicada sa cuota in càrrigu a su Comunu de Gésturi po s'annu 2024 de su servítziu pustis de iscola (períodu Gennaxu Maju) in favori de is istudiantis residentis in Gésturi, paris a € 20.819,62;

**Reconnota**, duncas, sa necessidadi de impinniai su totali de € 20.819,62 in favori de su Comunu de Tuili po sa cuota in càrrigu de su Comunu de Gésturi po s'annu 2024 de su servítziu de pustis de iscola (períodu Gennaxu Maju) in favori de is istudiantis residentis in Gésturi;

**Riténniu** ca s'istrutória istérria innantis de ufitzializai s'atu presenti acunsentat de atestai sa regolaridadi e sa curretesa de custu atu a is sensus e po is efetus de su chi disponnit s'art. 147bis de su D.Lgs. 267/2000;

**Bistus:**

- su D.Lgs. n. 118/2011;
- su Regulamentu asuba de s'ordinamentu de is ufftzius e de is servítzius, aprovau cun delibberatzioni G.C. n. 122 de su 30.12.2012 e is modificatzionis afatantis;
- su regulamentu comunali de contabbilidadi in vigéntzia;
- su Regulamentu Comunali po sa disciplina de is Controllus Internus, aprovau cun delibberatzioni G.C. n. 2 de su 03.01.2013;
- sa Lei 06.11.2012, n. 190, cun "Dispositzionis po sa preventzioni e s'iscontróriu de sa corruzioni e de s'illegalidadi in s'Amministratzioni Púbblica;
- su Decretu Legislativo 14.03.2013, n. 33, cun "Riórdinu de sa disciplina chi pertocat is óbbrigus de pubbricidadi, trasparéntzia e ispaniadura de is informatzionis de is amministra-zionis púbblicas";
- su Códixi de cumportamentu de is dipendentis de su Comunu de Gésturi, aprovau cun de-

libberatzioni G.C. n. 8 de su 23.01.2014;

Premítu totu custu

### **DETÉRMINAT**

**De pigai atu** de s'istèrria cument'e parti integranti e sustantziali de custu atu;

**De impinniai** sa summa de € 20.819,62 in favori de su Comunu de Tuili, po sa cuota de su Comunu de Gésturi po s'annu 2024 de su servítziu pustis de iscola (períodu Gennaxu/Maju) in favori de is istudiantis residentis in Gésturi;

**De ponni in contu** s'ispesa nomenada asuba in su capítulu 705 Art. 23 "ISPESAS PO SA GESTIONI DE SU SERVÍTZIU DE PUSTIS DE ISCOLA" de su Bilànciu de previsioni 2024/2026, esercítziu 2024;

**De trasmiti** custa determinatzioni a su Responsàbbili de su Servítziu Finanziàriu po s'atestatzioni de regularidadi contàbbili e cobertura finanziària prescrita inditada in s'art. 151, co. 4, de su D.Lgs. n. 267/2000 donendi atu ca custu atu at a èssiri esecutivu cun s'apositioni de s'atestatzioni nomenada innantis;

**De atestai** a is finis de su controllu preventivu de regularidadi amministrativa inditau in s'artícolo 147-bis, comma 1 de su D.Lgs. n. 267/2000, sa regularidadi ténnica de custu provedimentu in ordíni a sa legitimidadi e curretesa de s'atzioni amministrativa, chi donat su parri in favori impari a sa sutascritzioni de custu atu de su Responsàbbili de su Servítziu;

**De donai** atu ca custa determinatzioni at a èssiri pubblicada in su situ internet de su Comunu in s'Albu Pretóriu in línia, cumentì prevedit su D.Lgs. 267/2000 e D.Lgs. 33/2013.

**Responsàbbili de su Servítziu**

Emilio Serra

\*\*\*

SA MARMIDDA CHISTIONAT IN SARDU - Progetu finanziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.